



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xiii. De rebus ecclesie alienandis vel non.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

tionem ecclesiæ debitam nec redditam, aut clerici alicuius parrochianive delictum, ecclesiam sine episcopi & aliorum canonicorum ad sensu interdicto subponito. si à quoquam seu quibusdã canonicis factũ erit: hoc episcopus ne observato, neve vt ab aliis observetur sustineto. **Qui** id deliquerit ecclesiasticæ coërcioni subiacteto.

Peccata suos authores tenento. Pœna vlteriũ quàm delictum in excedente repertum erit ne protrahitor.

Vt ecclesiastica beneficia sine deminutione conferantur. Tit. 12.

Nemo ex pacto conventionẽve quacunque sub quouis modo aut tenore nudum officium beneficii ecclesiastici cuiquam concedito, & sibi prouentus retineto. Nemo beneficium ecclesiasticum conferendo partem prouentuum suis vsibus retineto. Ecclesiastica beneficia sine deminutione conferuntor. tantũ si prælatus ante donationem beneficii pro iusta & necessaria causa prouentus ipsos ad tempus retineri constituerit, nulla cum eo qui beneficium accepfit, mediatorẽve aliquo conventionẽ facta, hoc ratum & licitum esto. *1. Vt nudum.*

De rebus ecclesiæ alienandis vel non. Tit. 13.

Laicis quãuis religiosis de reb⁹ ecclesiæ disponendi nulla potestas esto. **Quę** cõstitutiones *12. Cũ laicis.*

O iiii

De rebus eccle. alienand. vel non

ab his, queve venditiones feudorum, seu aliorum bonorum ecclesiasticorum, seu etiam mortuorum, & aliorum iuri spirituali adnexorum sine legitimo personarum ecclesie adfensu occasione laicæ potestatis præsumptæ erunt, ne tenent. præsumptores per censuram eccle. compelluntur.

2. *Qui res* Quod si qui res ecclesie ab eis, etiam regibus, petierint, & egentium substantiam subtraxint, receperint: quæ obtinebunt inrita habentur. à cõmunione ecclesie, cuius facultates auferre cupierint, excluduntur.

7. *Ad au res.* At si quæ terræ de syluis extirpatæ arabiles factæ erunt: has illis à quibus suo parétumve suorum labore extirpatæ erunt, ni tunc aliis ad maiorem ecclesie vtilitatem cum eodem labore & onere cõferri poterunt, hæreditario iure sub annuo censu tenendas concedere episcopo licet.

8. *Ut super, in prin.* Qui verò prælati ex fidelitatis sacramento nihil de bonis ecclesie alienare tenebuntur, nec regalium, & decumationum possessiones, nec aliunde prouenientes, redditusve quos decessores ipsorum quandiu vixerint in manibus suis tenuerint, & in proprium vsum exceperint, expenderint, nec aliis infendasint (siue hæc de mensa intellegentur, siue non) consultius ne alienanto.

10. *Possesiones.* Omnino autem possessiones ad mensam suam siue capituli pertinentes episcopus ne alienato, vt nec ecclesias in quibus monachi ministrare consuerint clericis vel laicis adsignato,

Sanè possessiones minùs ecclesiæ vtilis pro ^{8.θεμα.}
 aliis vtiliorib⁹ de fratrum ipsius & sanioris par- ^{possessio-}
 tis consilio & ad sensu alienandi, seu commutã- ^{mes.}
 di liberam facultatem habeto.

Alioquin episcopus, abbásve terram vnus ec- ^{1. Non li-}
 clesiæ ad aliam, quamuis ambæ in eius potesta- ^{cet.}
 te sient, ne conuortito. si terras earum commu-
 tare volt: cum consensu ambarum partium istuc
 facito.

Sed & episcopi qui nihil ex proprio ipsi ec- ^{4. Epi-}
 clesiæ contulerint liberos ex mancupiis ecclesiæ ^{scopi.}
 ad condemnationem suam ne faciũto. si factum
 erit: hos successor episcopus non obstante qua-
 uis intercessione ad ius ecclesiæ reuocato.

Sacerdotibus autem qui quid ecclesiæ suæ re- ^{3. Consen-}
 liquerint, nihilve habentes prædia familiãsvē ei- ^{sus.}
 dem adquisierint, aliquos de familia eiusdem
 ecclesiæ iuxta rei cõlatæ modum canonibus de-
 finitum manmittere liceto. hi cum peculio, &
 posteritate sua sub patrocínio ecclesiæ manẽto.
 iniunctas sibi, quatenus poterunt, vtilitates pro-
 sequuntor.

Cæterũ nullis ecclesiæ canonicis prædia ^{9. Ad}
 eius aliis fratribus inconsultis in damnum eius ^{audientiã}
 in perpetuum locandi ius esto. locationes sic fa-
 ctæ legitimè reuocãtor. qui harum locationum
 authores erunt, susceptam inde pecuniam, si ali-
 ter nequibit, refundere coguntor.

In summa: nulli rem immobilẽ ecclesiæ, siue ^{5. Nullõ.}
 agrum, rusticũmve mãcupium alienare specia-
 lisve hypothecæ titulo obligare liceto. Aliena-
 tionis verbo conditio, donatio, venditio, per-

De precariis.

mutatio, & emphytenticus perpetuus cōtractus continentor. Omnes sacerdotes ab huiusmodi alienatione abstinento. Pœnas Leoninæ constitutionis timento.

6. Si quis
presbyterorum.

Si quis itaque presbyterorum, diaconorum, seu defensorum alienati prædium ecclesiæ subscripserit, ni & alienator, & qui recepit celeri restitutione sibi prospexerit, anathemate feritor. quod inde confectum erit documentum ab initio nullas vires habeto, viribus vacuator. quibuscunque personis ecclesiasticis contradicere, & cū fructibus alienata reposcere liceto. cū facient, autoritate ecclesiastica fulciuntor.

11. Ad
nostram.

Si tamen ecclesiæ debitorum onere pressa res ei⁹ à prælato & capitulo necessitate coactis alienata erit sub onere dissoluēdi alicuius debiti, eoque impleto debiti summam breui tēpore emptor ex eius prouentu conlegerit, vt exinde ecclesia enorme dispendium incurrerit: pecunia, quam is pro exoneratione debiti vtilitate ecclesiæ expenderit, olli redditor. Sic si etiam pro labore percepti fructus eidem satis erunt, res ecclesiæ libera & quieta restituitor.

De Precariis. Tit. 14.

2. De precariis.

NEDVM autem ecclesiasticarum rerum alienationes, sed & precariæ quæ inrationabiliter ab ecclesiarum rectoribus factæ erūt, etiam si ii qui res ecclesiæ sic distribuerint se suosque successores graui pœna obligassint, à successoribus eorum nihilominus ad ius ecclesiæ reuo-